



LAI
COLTANTEL
TILEM BA
TI CHAN

LAJ COLTANTEL TILEM BA TI CHAN

“LAJ COLTANTEL TILEM BA TI CHAN” jini ñach versículo tac loc’sabil ba ti Biblia. Mi’ cantesañonla jini ñuc tac ba i sujmler Dios.

Jinach i T’an Dios tilem ba ti chan. Majqui jach an i wi’ñal cha’an mi’ can Dios mi caj i taj i coltanel che’ mi’ ñop. Ba’ ora ma’ sutq’uin a ba cha’an ma’ ñop lac Yum Jesucristo, Dios mi’ yaq’ueñet a p’atalel cha’an ma’ cay a mul. Mi’ yochel lac Yum ti a pusic’al cha’an mi’ mel ti tsijib. Mi’ saq’uesañet. Mi’ yaq’ueñet i tijicñayel yic’ot i ñach’tilel a pusic’al. Jini Compilador tsi’ ñopo il-iyi che’ ti 1937. Cabal winicob x’ixicob ch’olob tsa’ix i ñopoyob Jesucristo ja’el. Junlajal woli la cubin jini wen ñuc ba i p’atalel lac Yum mu’ ba i cantañonla. Awocolic mi maxto anic tsa’ ñopo jatet, aq’uen a ba wale cha’an ma’ taj a coltanel ja’el. —Jini Compilador

Romanos 5.8

Pero tsa' chami Cristo cha'añonla che' xmulilon tola. Che' jini, Dios tsi' pasbeyonla c'ux mi' yubiñonla.

Juan 13.1

Che' maxto tilemic i q'uiñilel Pascua, yujilix Jesús tsa'ix tili i yorajlel cha'an mi' cay pañimil, cha'an mi' majlel ba'an i Tat. Tsi' c'uxbi i cha'año' ba ti pañimil. Ma'anic tsi' caya i c'uxbiñob.

Apocalipsis 1.5

Yic'ot ja'el Jesucristo, jini xuc'ul ba Testigo mu' ba i yac' ti cajñel i sujmllel. Jiñach tsa' ba ñaxan tejchi loq'uel ba'an

chameño' ba. I yumach jini reyob ti pañimil. Cristo mi' c'uxbiñonla. Tsi' pobeyonla loq'uel lac mul ti' ch'ich'el.

Juan 3.16

Come che'i tsi' wen c'uxbi jini año' ba ti pañimil Dios. Tsi' yac'a cojach ba i Yalobil. Majqui jach mi' ñop i Yalobil, ma'anic mi'-sajtel. Mi' taj i cuxtalel mach ba anic mi' jilel.

Jeremias 31.3

Wa' ti Sion lac Yum tsa' tsictiyi tic tojlel. Tsi' yala: C'uxbibilet c cha'an c'alal che' maxto anic pañimil. Mach yujilic jilel j c'uxbiya. Jini cha'an tsac pasbeyet i yutslel c pusic'al.

Mateo 1.22, 23

Che'ach tsa' ujtí cha'an mi' ts'actiyel i t'an lac Yum tsa' ba i yala ti' yej x'alt'an: Awilan, mi caj i cantan alal juntiquil xch'oc maxto ba pi'lebilic. Mi caj i yac' ti pañimil ch'iton ba i yalobil. Mi caj i yotsabentel i c'aba' Emanuel. An i sujmllel Emanuel ti lac t'an: Jiñach Dios la quic'ot.

Jesús tsi' sube: Cabalix ora wa' añon la' wic'ot. ¿Mach ba anic tsa' cañayon, Felipe? Jini tsa' ba i q'u-eleyon, tsa'ix i q'uele c Tat. ¿Chucoch ma' wal, che' jini: Pasbeñon lojon a Tat? che'et. ¿Mach ba anic ma' ñop añon tic Tat, c Tat an ti joñon? —Juan 14.9, 10

Isujm wen ñuc laj cantesantel ti Dios mach ba tsictiyemic ti yamba ora. Tsi' pasa i ba Dios ti' bac'tal winic. Tsa' pasle ti toj cha'an jini Espiritu. Tsa' q'uejli ti' wut ángelob. Tsa' sujbi i c'aba' ti' tojlel gentilob. Tsa' ñojpi ti pañimil. Tsa' pajyi letsel ti panchan. —1 Timoteo 3.16

Ti' cajibal pañimil an jini T'an. Añach jini T'an yic'ot Dios. Jini T'an Diosach... Jini T'an tsi' ch'ama i bac'tal. Tsa' chumle la quic'ot, but'ul ti' yutslel i pusi-c'al yic'ot i sujmllel. Tsaj q'uele lojon i ñuclel tilem ba ti' Tat. Jiñach i ñuclel cojach ba i Yalobil Dios. —Juan 1.1, 14

Jesus I Yalobilach Dios

3

Colosenses 2.9

Ti' bac'tal Cristo mi' yajñel pejtelel i bujt'emal Dios.

Isaias 9.6

Come mi caj i yilan pañimil ala ch'iton cha'an mi' coltañonla. Dios mi caj i yaq'ueñonla i yalobil. Mi caj i yotsabentel i c'aba': C'ax Ñuc Ba, Caj Cante-sa, P'atal ba Dios, Lac Tat Am Ba ti Pejtelel Ora, Xlajmesa leto mu' ba i cha'len yumal.

Lucas 1.35

Jini ángel tsi' sube: Mi caj i yochel jini Ch'ujul ba Espiritu ti a tojlel. I p'atalel jini C'ax

Ñuc Ba mi caj i moset. Jini cha'an jini ch'ujul ba alal mu' ba caj i yilan pañimil mux i pejcantel ti' Yalobil Dios.

Mateo 17:5

Che' woli to ti t'an, awilan, tsi' mosoyob wen sasac ba to-cal. Tsa' loq'ui t'an ti tocal. Tsi' yala: Jiñach Calobil mu' ba j c'uxbin. Tijicña e pusic'al mij q'uel. Ubinla i t'an, che'en.

1 Juan 4.15

Majqui jach mi' sub i Yalobilach Dios jini Jesús, Dios mi' yajñel ti' pusic'al. Jini winic mi' yajñel ti Dios ja'el.

Jesus Mi' Subeñonla Baqui Tilem

Juan 11.25

Jesús tsi' sube: Joñon Xtech Ch'ujlelalon, i cuxtalelon jini año' ba ti pañimil. Jini mu' ba i ñopon, anquese mi' chamel, mi caj i cha' cuxtiyel.

Juan 13.13

Mi la' pejcañon ti la' Maestro yic'ot ti la' Yum. Uts'at chuqui mi la' wal, come isujm joñonach.

Juan 9.5

Che' wa'to añoñon ti pañimil i saclelon pañimil cha'an mi' q'uelob jini año ba ti pañimil, che'en Jesús.

Juan 6.35

Jesús tsi' subeyob: Joñon Wajon mu' ba i yaq'ueñetla la' cux-

talel. Jini mu' ba i tsajcañon ma'anic ba' ora mi caj i yubin wi'ñal. Jini mu' ba i ñopon ma'anic ba' ora mi caj i tiquin i ti'.

Juan 8.23

Jesús tsi' subeyob: Jatetla ch'oyoletla ti yebal. Joñon ch'oyolon ti chan. I cha'añetla jini pañimil. Joñon mach i cha'añonic jini pañimil.

Juan 8.58

Jesús tsi' subeyob: Isujm, isujm mic subeñetla, che' maxto anic Abraham añoñix, che'en.

Jini cha'an Jesús tsi' cha' subeyob: Isujm, isujm mic subeñetla: Joñon i Ti'on ba' mi' yochel tiñame'. —Juan 10.7

Ñuc Tac Ba I Ye'tel Jesús

5

Lucas 5.5, 6

Simón tsi' jac'Λ: Maestro, tsa'ix c cha'le lojon e'tel ti pejtelel ac'Λlel. Ma'anic chuqui tsac chucu lojon. Pero cha'an ti a t'an mic choc ochel chimo'chay, che'en. Che' ba tsi' yotsayob tsi' chucuyob cabal chay. Tsa' caji ti ts'ojquel jini chimo'chay.

Mateo 14.19-21

Jesús tsi' sube winicob x'ixicob cha'an mi' buchtalob ti jam. Tsi' ch'AMA jini jo'q'uejl waj yic'ot cha'cojt chay. Tsi' letsa i wut ti panchan. Tsi' cha'le oración. Tsi' xet'e jini waj. Tsi' yaq'ue xcant'añob i cha'an. Jini xcant'añob tsi' pucbeyob winicob x'i-

xicob. Tsi' c'uxuyob ti pejtelelob. Tsa' ñaj'ayob. Tsi' lotoyob lajchamp'ejl chiquib but'ul ti' xujt'il tsa' ba colobaji. Che' bajche' jo'p'ejl mil winicob tsi' c'uxuyob waj. Ya'an ja'el x'ixicob yic'ot alobob mach ba anic tsa' tsijquiyob.

Ya' añob cha'tiquil xpots' buchulob ti' ti' bij. Che' ba tsi' yubiyob woli ti ñumel Jesús, c'am tsi' cha'leyob t'an. Tsi' yalayob: C Yum, i Yalobilet ba David, p'untañon lojon, che'ob. ... Cha'an ti' p'untaya Jesús tsi' talbeyob i wut xpots'. Tsa bac' c'otiyob i wut. Tsi' tsajcayob majlel. —Mateo 20.30, 34

Hebreos 1.2

Dios... Wale, ti ili cojix ba q'uin tac tsa'ix i c'aña i Yalobil i pejcañonla. Tsi' wa'choco cha'an mi' yaq'uentel pejtelel chuqui tac an. Tsi' c'aña ti' melol pejtetel chuqui tac an.

Romanos 14.9

Tsa' chami Cristo, tsa' cha' ch'oiji. Cuxul tsa' cha' ajni cha'an mi' yochel ti' yum jini chameño' ba yic'ot jini cuxulo' ba.

Colosenses 1.16

Melbil i cha'an Jesús pejtelel chuqui tac an ti panchan yic'ot ti pañimil, jini tsiquil tac ba

yic'ot jini mach ba tsiquilic, mi reyob, mi yumalob, mi gobierno, mi i p'atalel año ba i ye'tel. Pejtelel chuqui an, melbilach i cha'an Jesús cha'an mi' q'uejlel ti ñuc lac Yum.

Juan 1.3

Jini T'an tsi' mele pejtelel chuqui tac an. Ma'anic chuqui mach melbilic i cha'an.

Hechos 2.36

Che' jini, la' i ñopob ti isujm pejtelel winicob ti Israel, Dios tsi' yotsa Jesús ti lac Yum. Jiñach Cristo, jini yajcabil ba, jini Jesús tsa' ba la' ch'iji ti cruz. Che' tsi' yala Pedro.

Jesucristo Mi Caj I Melonla

7

Romanos 14.10

Jatet ¿chucoch wola' q'uel ti xmulil a wermano? Come ti lac pejtelel mi caj lac wa'tal ba' mi' melonla Dios.

Mateo 25.32

Ti' tojel i wut mi caj i tempantelob pejtelel winicob x'ixicob loq'uemo' ba ti pejtelel lum. Jini Xcanta tiñame' mi caj i t'oxob. Parte mi' yac' chivo, parte mi' yac' tiñame'.

2 Timoteo 4.1

Jini cha'an mic subeñet ti' tojel Dios yic'ot lac Yum Jesucristo mu' ba caj i tilel i mel jini cuxulo' ba yic'ot jini chameño ba che' mi' wa'chocon i yumantel.

Juan 5.22

C Tat ma'anic mi' mel winicob. Tsi' yaq'ue i Yalobil i p'atalel ti meloñel cha'an mi' melob.

Romanos 2.16

Ti' q'uiñilel meloñel, Dios mi caj i c'an Jesucristo cha'an mi' mel winicob x'ixicob cha'an jini mucul tac ba tsa' ba i meleyob che' bajche' mi' yal jini wen t'an mu' ba c sub.

Hechos 10.42

Jesús tsi' yaq'ueyon lojon mandar cha'an mic subeñob winicob x'ixicob jiñach Jesús jini yajcabil ba i cha'an Dios mu' ba caj i cha'len meloñel. Mi caj i mel jini cuxulo' ba yic'ot chameño ba.

Juan 14.6

Jesús tsi' sube: Joñon i bijlelon isujmlelon, i cuxtalelon. Ma'anic majch mi' c'otel ba'an c Tat, jini jach am ba tic wenta.

Hebreos 7.25

Jini cha'an mi mejlel i junyaj-lel coltan pejtél mu' ba i lac'tesa-ñob i ba ba'an Dios ti' tojlel Jesús. Come chan cuxul ti pejte-lel ora. Woli' chan tajob ti oraci-ón ti' tojlel Dios.

Hebreos 5.9

Che' ba tsa' ts'actiyi i chaj-pantel yic'ot i ñuclel Jesús, tsa' ochi ti la caj Coltaya ti pejtelel ora. Mi' coltan pejtelel mu' ba i jac'beñob i t'an.

Juan 10.9

Joñon i Ti'on ba' mi' yochel tiñame'. Jini mu' ba i yochel ti joñon mi caj i coltantel. Mi' caj ti ochel. Mi' caj ti loq'uel. Mi caj i taj wen ba jam.

Juan 8.24

Jini cha'an mic subeñetla mi caj la' chamel che' añet to la ti la' mul. Mi ma'anic mi la' ño-pon, mi caj la' chamel che' añet to la ti la' mul, che'en Jesús.

Hechos 4.12

Ma'anic laj coltantel ti yamba, cojach ti' c'aba' Jesús. Ma'anic yamba ti yebal panchan aq'uebi-lo' ba winicob mu' ba mejlel i coltañonla. Che' tsi' yala Pedro.

Cristo Tsi' Loq'uesayonla ti' Wenta Xiba

9

Lucas 19.10

Come i Yalobil Winic tsa' tili i saclan jini sajtem ba. Tsa' tili i coltan, che'en.

Colosenses 1.12-14

Ti' tijicñayel la' pusic'al subenla wocolix i yala lac Tat, come tsi' cha' meleyonla ti uts'at cha'an mi lac taj lac wenlel yic'ot i cha'año' ba Dios woli ba i yajñelob ti' saclel pañimil. Dios tsi' loc'sayonla ti' yumantel ic'ch'ipan ba pañimil. Tsi' yotsayonla ti' yumantel jini c'uxbibil ba i Yalobil tsa' ba i yac'ayonla ti colel che' ba tsi' ñusabeyonla lac mul ti' ch'ich'el.

Tito 2.14

Tsi' yac'a i ba ti chamel cha'añonla cha'an mi' mañonla loq'uel ti pejtelel lac jontolil, cha'an mi' saq'uesañonla, cha'an mi' yotsañonla ti' cha'an, cha'an mi lac bax'an ti' melol pejtelel chuqui wen.

Apocalipsis 5.9

Tsi' c'ayiyob tsiji' ba c'ay: Wen uts'atet. Uts'at ma' ch'am jini jun cha'an ma' tsilben i sellojlel tac, come tsa' tsansantiyet, tsa' mañayon lojon ti a ch'ich'el cha'an mic ñop lojon Dios. Loquemon lojon ti jujunchajp winicob, yic'ot ti pejtelel t'an tac, yic'ot ti pejtelel tejclum tac.

Che' ba tsa' chami Cristo, tsi' yac'ayonla ti colel cha'an ti' ch'ich'el. Tsi' ñusabeyonla lac mul come wen on i yutslel. —Efesios 1.7

1 Juan 1.7

Pero mi woliyonla ti xambal ti' saclel pañimil, che' bajche' mi' yajñel Dios ti' saclel pañimil, che' jini mi lac wen can lac ba. I ch'ich'el Jesús i Yalobil Dios woli' saq'uesañonla ti pejtelel mulil.

1 Pedro 1.18, 19

Come ña'tabil la' cha'an, mambiletla cha'an ma'anic mi la' chan ñop jini lolom jach ba tsa' ba la ñopo ti la' ñojte'el. . . . Pero mambiletla ti' ch'ich'el Cristo, letsem ba i tojol, che' bajche'

juncojt ala tat tiñame' mach ba anic i chamel mi i bibi'lel.

Romanos 5.9

Nusabilix lac mul, añonixla ti' wenta Dios cha'an ti' ch'ich'el Cristo. Jini cha'an ñumen mi caj laj coltantel ti Cristo che' mi' tsic-tiyel i mich'ajel Dios.

Ñumen i c'ajñibal i ch'ich'el Cristo. Come mi' poc loq'uel ti lac pusic'al jini tsucul ba lac melbal cha'an mi lac melben i ye'tel jini cuxul ba Dios. Ti' p'atalel jini Espiritu mach ba anic mi' jilel, Cristo tsi' yac'a i ba che' bajche' ch'ujul ba i majtan Dios mach ba anic i mul. —Hebreos 9.14

Coltabilonla Che' Mi Lac Ñop Cristo

11

Efesios 2,8, 9

Come coltabiletla ti' yutslel i pasic'al Dios cha'an tsa' la' ñopo. Ma'anic tsa' la' bajñel colta la' ba. La' majtan jach tilem ba ti Dios. Mach cha'anic wen ba la' melbal, ame anic majqui mi' lon chañ'esan i ba.

Romanos 5.1

Dios tsa'ix i ñusabeyonla lac mul. Tsa'ix i yotsayonla ti' wenta cha'an tsa' lac ñopo Cristo. Ma'anix woli laj contrajin Dios, come tsi' yuts'esayonla lac Yum Jesucristo.

1 Juan 5.4

Come jini tsa' ba i yila pañimil ti Dios, mi' t'uchtan i cha'an ba

pañimil. Jiñach i t'uchtantel pañimil che' mi lac ñop Dios.

Juan 20.31

Tsa' ts'ijbunti ili i yejtal tac i p'atalel cha'an mi la' ñop Cristo-jach jini Jesús. I Yalobilach Dios. Tsa' ts'ijbunti cha'an mi la' waq'uentlel la' cuxtalel ti' c'aba' che' mi la' ñop.

Juan 6.28, 29

Jini tempabilo' ba tsi' c'ajtibe-yob: ¿Chuqui yom mic cha'len lojon cha'an mic mel lojon i ye'tel Dios? che'ob. Jesús tsi' jac'beyob: Jiñach i ye'tel Dios, che' mi la' ñop i Yalobil tsa' ba i choco tilel, che'en.

Come cabalach i yutslel i pusic'al che' bajche' i chanlel panchan ti' tojlel jini mu' ba i bac'ñañob. —Salmos 103.11

Pero i yutslel lac Yum ti pejtelel ora an. Lac Yum mi' pasbeñob i yutslel yic'ot i tojel jini mu' ba i bac'ñañob yic'ot i p'olbalob ti lajm ti lajm. —Salmos 103.17

Salmos 108.4

Come mi' tsictiyel jini nuc ba a wutslel c'alal ti panchan, yic'ot i xuc'tilel a pusic'al ya' ti tocal.

¿Am ba yamba Dios lajal bajche' jatet? Jatet jach ma' ñusan mulil. Ma' wac' ti ñajayel ti a pusic'al i jontolil a winicob tsa' ba colobajiyob. Come mach mi-

ch'etic ti pejtelel ora, Dios. Tijicña a pusic'al che' ma' pasbeñon lojon a c'uxbiya. —Miqueas 7.18

Come cabal i yutslel i pusic'al lac Yum. Jini cha'an cuxulon to la. Ma'anic tsi' laj jisayonla. Xuc'ul lac Yum, mi' chan p'untañonla ti pejtelel ora. Mi' pasbeñonla i yutslel ti jujump'ejl sac'an. Xuc'ul i pusic'al ti pejtelel ora. —Lamentaciones 3.22, 23

Tsi' coltayonla. Mach cha'anic toj ba lac melbal pero cha'an ti' p'untaya tsi' coltayonla. Tsi' pocoyonla cha'an mi la caq'uentel tsiji' ba laj cuxtalel. Tsi' cha' meleyonla ti' p'atalel Ch'ujul ba Espiritu. —Tito 3.5

Mateo 11.28

La' ba' añon pejteletla woliyet ba la ti wocol e'tel, al ba la' cuch. Joñon mi caq'ueñetla la' c'aj la' wo.

Isaias 55.1

Yom ma' jal'an jumuc', majqui jach an i tiquin ti'. La' tilic i jap ja' mu' ba cac'. Jini mach ba añobie i taq'uin, la' tilicob i c'ux waj i jap vino yic'ot lech ti' majtan jach.

Apocalipsis 22.17

Jini Espiritu yic'ot jini xch'oc mu' ba cajel ti' ñujpuñijel mi' yalob: La', che'ob. Jini mu' ba i yubin. la' i yal: La'. Che' yom mi'

yal. Jini am ba i tiquin ti', la' tilic. Majqui jach yom, la' i jap ja' ti' majtan jach, i yejtal ba i cuxtalel.

Juan 7.37

Che' ti' xojt'ibal q'uin, ti jini ñuc ba q'uin, Jesús tsa' wa'le. C'am tsi' cha'le t'an. Tsi' yalal: Mi an majqui an i tiquin ti', la' ba' añon, la' i jap.

Isaias 1.18

Woli' chan al lac Yum: La' cula, la' lac tem cha'len t'an. Anquese wen chacts' eran jini la' mul, lajal mi caj i sujtal bajche' ña'al tsañal. Anquese wen chachac jini la' mul, lajal mi caj i sujtal bajche' wen sasac ba tsuts.

Juan 1.12

Pejtelel tsa' ba i ñopoyob tsa' aq'uentiyob i p'atalel ti Cristo ti jujuntiquil cha'an mi' yochelob ti' yalobilob Dios. Jiñobach tsa' ba i ñopbeyob i c'aba' Cristo.

Filipenses 2.15

Che' jini toj mi caj la' wajñel ti jump'ejl la' pusic'al, i yalobiletla Dios. Che' jini ma'anic la' bibi'lel anquese joyoletla ti jini mach ba tojobic i pusic'al, jini sojquemob jax ba. Mi' tsictiyel la' saclel ti' tojlelob che' bajche' ec'.

Romanos 8.14, 15

Pejtelelob mu' ba i toj'esante-lob majlel cha'an i yEspiritu Dios

jiñobach i yalobilob Dios. Dios tsi' yaq'ueyetla i yEspiritu. Ma'anic tsi' yotsayetla ti mozo cha'an mi la' mel to'ol e'tel yic'ot baq'uen. Mi' yaq'eñetla la' ña'tan ochemetla ti' Yalobilob Dios. Jini cha'an mi la cal: Papa, c Tat, cho'onla.

2 Corintios 6.17, 18

Jini cha'an loq'uenla ti' tojlel mach ba anic mi' ñopob. Tats'a la' ba ba' añob, che'en lac Yum. Mach mi la' ñochtan chuqui tac bibi'. Mi caj c payetla tilel ba' añon. Mi caj cochel ti la' Tat. Mi caj la' wochel ti calobil, che'en lac Yum mach ba anic i p'isol i p'atalel.

Tsajaletme Che' An A Payol Ti Mulil

15

Galatas 5.19, 21

Tsiquil i mul lac tsucul pusic'al. . . Tsaytsayña i pusic'al cha'an i wenlel yaño' ba. Mi' cha'leñob jontolil, yic'ot yac'ajel, yic'ot leco ba q'uiñijel yic'ot yan tac ba mach ba wenic. Mic cha' subeñetla che' bajche' tsac subeyetla ti yamba ora, jini mu' ba i cha'len che' bajche' jini, ma'anic mi caj i yochel ti' yumantel Dios.

Romanos 13.13, 14

La' lac cha'len xambal ti uts'at che' bajche' ti q'uiñil. Mach yomic leco ba q'uiñijel, mi yac'ajel, mi ts'i'lel, mi jontolil, mi leto. Mach yomic tsaytsayña ba lac pusic'al cha'an i wenlel lac pi'alob. C'ajti-

benla lac Yum Jesucristo cha'an uts'at mi la' wajñel. Mach yomic mi la' chan ña'tan chuqui yom la' tsucul pusic'al cha'an mi la' jac'ben i colosojlel.

Isaias 5.11

P'ump'un jax mi caj la' wubin jatetla, come seb to mi la' loq'uel majlel ti lembal. Che' ac'alelix mi la' sujtel.

Proverbios 23.31, 32

Mach a mulan jini copa che' chachac anquese i t'ojol jax ti q'uelol. Anquese sumuc jax mi' jubel che' ti ñaxan, pero ti wi'il mi' ch'ojet che' bajche' lucum. Lajal i c'uxel bajche' i yej o'chan.

Mateo 22.37, 38

Jesús tsi' sube: C'uxbin a Yum Dios ti pejtelel a pusic'al, ti pejtelel a ch'ujlel, ti pejtelel a ña'tabal. Jiñach jini ñaxan ba mandar, jini c'ax ñuc ba.

Marcos 10.17-22

... Wen ba Maestro, ¿chuqui yom mic cha'len cha'an mic taj j cuxtalel mach ba anic mi' jilel? che'en. Jesús tsi' sube: ¿Chucoch ma' wal mi weñon? Ma'anic majqui wen, cojach Dios. A wujil jini mandar: Mach a cha'len ts'i'lel, mach a cha'len tsansa, mach a cha'len xujch', mach a cha'len jop't'an, mach a xujch'iben i chuba'an a pi'al ti lot, q'uele ti

ñuc a tat a ña, che'en Jesús. Jini winic tsi' jac'Λ: Maestro, pejtelel jini madar tsac jac'Λ c'ΛΛΛ che' alobon to, che'en. Jesús tsi' q'uele. Tsi' c'uxbi. Tsi' sube: An to yom ma' mel yamba junchajp. Cucu, choño pejtelel a chuba'an, aq'uen jini mach ba anic i chuba'an. Che' jini, mi caj a taj cabal a chuba'an ti panchan. La', ch'ama a cruz, tsajcañon, che'en. Jini winic tsi' mele i pusic'al cha'an jini t'an. Ch'ijiyem tsa' majli come an cabal i chuba'an.

Proverbios 16.25

Toj mi' lon q'uelob i bijlel winicob x'ixicob, pero mi' cajelob ti chamel mu' ba i xañob majlel.

Mach yomic mi la' jac' lot yic'ot lolom jach ba t'an, come jini cha'an tal i mich'ajel Dios ti' contra xñusa mandarob. —Efesios 5.6

Chan melela chuqui mi' yal jini wen t'an. Mach yomic to'o che' jach mi la' wubin. Mach mi la' lon ña'tan woli la' ñop mi ma'anic woli la' jac'. —Santiago 1.22

1 Corintios 6.9, 10

¿Mach ba la' wujilic? Ma'anic mi caj i yochelob ti' yumantel Dios jini mach ba tojobic. Mach mi la' ñop lot. Ma'anic mi caj i yochelob ti' yumantel Dios jini mu' ba i tajib i ts'i'lel, mi jinic mu' ba i c'uxbiñob dioste' tac, mi jinic mu' ba i tajib i yixic, mi

jinic mach ba anic mi' tic'ob i colosojlel i pusic'al, mi jinic winicob mu' ba i wΛΛε pi'leñob i ba. Jini xchiloñelob, jini xchΛclelob, jini xyΛε'ajelob, jini xp'ajoñelob, jini xujeh'ob ma'anic mi caj i yochelob ti' yumantel Dios.

Alobob, mach mi la' jac'beñob i lot winicob mi juntiquilic. Jini mu' ba i cha'len chuqui toj, tojach che' bajche' toj Cristo. Jini mu' ba i cha'len mulil i cha'añach xiba, come jini xiba woli' chan cha'len mulil c'ΛΛal ti' cajibal. —1 Juan 3.7, 8

Come mi an majqui mi' lon ña'tan an i bajñel wenlel, woli jach i bajñel lotin i ba. —Gal. 6.3

Romanos 5.12

Tsa' ochi mulil ti pañimil cha'an ti' mul jüntiquil winic i c'aba' Adán. Jini mulil tsi' yac'a ti chamel pejtel winicob x'ixicob. Jini cha'an mi lac chamel ti lac pejtelel, come tsa' lac cha'le mulil ti lac pejtelel.

Santiago 1.15

I colosojlel i pusic'al mi' colel ti' pusic'al. Mi' ñijcan ti mulil. Che' tsa'ix p'ojli mulil mi' yac' ti chamel.

Ezequiel 18.20

Majqui jach mi' cha'len mulil, wersa mi caj i chamel. Jini ch'iton ma'anic mi caj i tojben i mul i tat. Jini tatal ma'anic mi caj i

tojben i mul i yalobil. Jini winic mu' ba i mel chuqui wen an ti' bajñel wenta. Jini mu' ba i mel jontolil an ti' wenta.

Romanos 8.6

Come jini mu' ba i chan jac' i tsucul pusic'al mi' yajq'uel ti chamel. Jini mu' ba i chan jac' jini Espiritu mi' yaq'uentel i cuxtalel yic'ot i ñach'tilel i pusic'al.

Lucas 15.32

Yom mi lac mel q'uin. Yom mi la cubin i tijicñayel lac pusic'al, come chamen yubil a wijts'in ti yamba ora. Wale cha' cuxulix yubil. Jini sajtem ba tsa'ix cha' tajle, che'en. Che' tsi' yala Jesús.

Lucas 7.14, 15

Che' ba tsa' tili Jesús ba' añob, tsi' tala i c'ac'lib ch'ujlelal. Tsi' cayayob i xambal jini woli ba i q'uech majlel. Jesús tsi' yala: Ch'iton, ch'oijen, che'en. Jini tsa' ba chami tsa' buchle.

Juan 11.43, 44

Che' ba tsa'ix ujtí i sub, c'am tsi' cha'le t'an Jesús: Lázaró, la' ti loq'uel, che'en. Jini tsa' ba chami tsa' loq'ui tilel, bac'al i c'ab i yoc ti pisil. Mosol i wut ti pisil. Jesús tsi' subeyob: Tiquila. La' majlic, che'en.

Jini cha'an c Tat mi' c'uxbiñon come mi cac' c ba ti chamel cha'an mic cha' cuxtiyel. Ma'anic

majch mi' yac'on ti chamel. Mic bajñel ac' c ba ti chamel. An c p'atalel cha'an mi cac' c ba, an ja'el c p'atalel cha'an mic cha' cuxtiyel. Jiñach que'tel tsa' ba aq'uentiyon cha'an c Tat, che'en Jesús. —Juan 10.17, 18

Joñoñach jini cuxul ba. Tsa' chamiyon. Awilan, cha' cuxulon ti pejtelel ora. Amén. An tic p'atalel jini chameño' ba yic'ot i yajñib chameño' ba. —Apocalipsis 1.18

1 Corintios 15.25, 26

Come wersa mi' cha'len yumal Cristo jinto mi' t'uchtan pejtelel i contrajob. Mi caj i jisan ja'el jini cojix ba laj contra mu' ba i yac' ti chamel lac bac'tal.

Mach a ñop yamba dios cha'an ma' xab otsan yamba tic tojlel.

Mach a mel a dios. Mach a melben i yejtal chuqui tac an ti panchan, mi i yejtal jini am ba ti pañimil ti yebal panchan, mi i yejtal chuqui tac an ti ja' ti' yebal lum. Mach a cotchocon a ba ti' tojel i wut. . . .

Mach a lon tajben i c'aba' a Yum Dios cha'an chuqui mi caj a mel, come a Yum ma'anic mi caj i ñusaben i mul jini mu' ba i lon tajben i c'aba'.

Mach ñajayic ti a pusic'al i yorajlel c'aj o. Yom ma' ch'ujutesan Dios ti jini q'uin che' bajche' tsi' yaq'ueyetla mandar lac Yum

Dios. An la' cha'an wacp'ejl q'uin cha'an ma' cha'len a we'tel yic'ot pejtelel chuqui a wom a mel. . . .

Q'uele ti ñuc a tat a ña' che' bajche' tsi' subeyet lac Yum Dios, cha'an uts'at pejtelel chuqui mi' yujtel ti a tojlel. . . .

Mach a cha'len tsansa.

Mach a cha'len ts'i'lel.

Mach a cha'len xujch'.

Mach a cha'len jop't'an ti' contra a pi'alob.

Mach a mulaben i yijñam a pi'al, mi i yototic, mi i lumic, mi i winiquic, mi i criadajic, mi i wacaxic, mi i burrojic. Pejtelel chuqui an i cha'an, mach yomic ma' mulaben. —Dt. 5.7-21

Job 34.21, 22

Dios mi' laj camben i bijlel wnicob. Mi' p'is ti wenta pejtrel chuqui mi lac cha'len. Ma'anic ic'ch'ipan ba pañimil ba' mach c'otic i wut. Ma'anic ba' mi mejlel i mucob i ba xjontolilob.

Proverbios 15.3

Lac Yum mi' pam q'uel pejtrel ajñibal. Mi' q'uel jini jontolo ba, mi' q'uel jini weño' ba.

Salmos 139.8, 12

Mi com letsel majlel ti panchan, ya' añet. Mi com wayel ti' yajñib chameno' ba, ya' añet ja'el. . . . Jini ic'yoch'an ba pañimil ma'anic mi' mactabeñet a wut. Lajal

ma' q'uel ac'alel che' bajche' q'uiñil. Lajal mi' c'otel a wut ti ic'yoch'an ba che' bajche' ti q'uiñil.

Jeremías 23.24

¿Mach ba lu' q'uelelic c cha'an ti pejtelel pañimil? Ma'anic majqui mi mejlel i muc i ba ba' ma'anic mij q'uel, che'en lac Yum. Ma'anic ba' jochol panchan mi pañimil. Laj c chumlibach, che'en lac Yum.

Lucas 8.17

Ma'anic mucul tac ba mach ba anic mi' caj ti pastel. Ma'anic mucul tac ba mach ba anic mi' caj ti cajñel, come mi' caj ti tsic-tiyel ti' saclel pañimil.

Mach Lajmic Ti Pejtelel Ora I Wocol Jini Sajtemo' BA

Mateo 18.8

Mi woli' yasañet ti mulil a c'Ab mi a woc, tsepe loq'uel. Choco. Uts'at mi tsa' taja a cuxtalél che' xbor c'Abet, che' xbor oquet. Mach uts'atic mi tsa' chojquiyet ti c'ajc mach BA anic mi' jilel che' cha'ts'ijt a c'Ab a woc.

Jini cha'an mi caj i majlelob ti tojmulil mach BA anic mi' jilel. Jini tojo' BA i pusic'al mi caj i majlelob ba' ma'anic mi' jilel i cuxtalél, che'en Jesús. —Mateo 25.46

Mateo 13.41, 42

I Yalobil Winic mi caj i choc tilel i yángelob. Mi caj i chocob loq'uel ti' yumantel pejtelel mu'

BA i yasañob ti mulil i pi'alob yic'ot jini mu' BA i cha'leñob jontolil. Mi caj i chocob ochel ti c'ajc. Ya' mi' cajelob ti cabal uq'uel yic'ot quech'ecña BA i baquel i yej.

Ti jini jach BA i t'an Dios woli' cantantel jini panchan yic'ot pañimil am BA wale cha'an mi' pulel ti c'ajc ti' q'uiñilel melo' mulil, che' mi' tojob i mul jini winicob x'ixicob mu' BA i ñusañob Dios.

—2 Pedro 3.7

Salmos 9.17

Mi caj i chojquelob ochel jini jontolo' BA ti' yajñib chameño' BA yic'ot pejtél colem tejclum tac mu' BA i satob Dios ti' pusic'al.

Hechos 17.31

Tsa'ix i wan ña'ta jini q'uin che' mi caj i cha'len meloñel ti toj. Tsa'ix i wa'choco jini winic mu' ba caj i mel año' ba ti pañimil che' bajche' tsi' tsictesabeyonla che' ba tsi' teche ch'ojoyel Jesús ba'an chameño' ba cha'an mi lac ñop. Che' tsi' yala Pablo.

2 Pedro 2.9

Che' ja'el lac Yum yujil i coltan jini ch'ujulo' ba che' woli' yilaben-telob i pusic'al. Yujil ja'el i yac'ob ti toj mulil jini mach ba tojobic che' ti' yorajlel meloñel.

1 Juan 4.17

Wen la cujilix c'uxbiya che' ma'anic mi lac bac'ñaben i

q'uiñilel toj mulil, come wa' ti pañimil lajalonla bajche' Jesús.

Hebreos 9.27

I tilel junyajl jach mi' chamelob winicob x'ixicob. Mi' yujtelob ti chamel, mi' melob i ba.

2 Corintios 5.10

Come ti pejtelonla wersa mi caj lac pas lac ba ti melobajal i cha'an Cristo cha'an mi la caq'uentel lac tojol ti jujuntiquilonla, cha'an lac melbal tsa' ba lac mele ti lac bac'tal, mi wen o mi jontol.

Romanos 14.12

Jini cha'an ti jujuntiquilonla mi caj lac sub lac ba ti' tojel Dios.

Tsiquil che' jini, Dios mi' p'untan jini yajcabil ba i cha'an, mach cha'anic che' yom i pusic'al winic, mi cha'anic woli' wersa sajcan i p'untantel. Mi' p'untantel cha'an che'ach yom Dios.—Romanos 9.16

1 Pedro 5.5

... Dios mi' contrajin jini mu' ba i chañ'esan i ba. Mi' yaq'uen i yutslel i pusic'al jini mu' ba i peq'uesan i ba.

Wocolix i yala Dios cha'an tsi' yaq'ueñonla lac majtan c'ax letsem ba i tojol. —2 Corintios 9.15

Romanos 5.15

Mach mejlic ti lajintel lac majtan yic'ot lac mul. Cha'an ti' mul juntiquil winic, Adán, cabal tsa'

chamiyob. Pero tsa' utsi p'ojli i yutslel i pusic'al Dios yic'ot i majtan ti' tojlel cabalob cha'an ti' yutslel i pusic'al juntiquil winic, jiñach Jesucristo.

2 Corintios 8.9

Come cañalix la' cha'an i yutslel i pusic'al lac Yum Jesucristo. Jini wen chumul ba tsa' ochi ti pobre, come c'ux tsi' yubiyetla. Tsa' ochi ti pobre cha'an wen chumul mi la' wajñel.

Hechos 4.33

Testigojob jini apóstolob. Ti cabal i p'atalel tsi' subuyob tsa' cha' ch'ojoyi lac Yum Jesús. Pejtelel jini xñopt'añob tsa' aq'uentiyob i yutslel i pusic'al Dios.

Hechos 17.30

Dios tsi' ñusabeyob i sajtemal winicob ti yamba ora che' ma'añobic i ña'tabal. Wale mi' subeñob pejtelel winicob x'ixicob baqui jach añob cha'an mi' cayob i mul.

Lucas 13.3

Mic subeñetla, ma'anic. Mi ma'anic mi la' cay la' mul che'ach mi caj la' jilel ja'el ti la' pejtelel.

Tsi' yala: CAYAX la' mul come lac'alix i yumantel jini am ba ti panchan, che'en. —Mateo 3.2

Hechos 3.19, 20

Jini cha'an CAYA la' mul. Sutq'uin la' ba cha'an mi' yajpel la' mul, cha'an mi la' taj la'

p'atalel ti Espiritu yic'ot tijicña ba la' pusic'al ti lac Yum. Dios mi caj i chocbeñetla tilel Jesús jini Cristo wa'chocobil ba i cha'an.

Pedro tsi' subeyob: CAYA la' mul, ch'amala ja' ti jujuntiquilet-la ti' c'aba' Jesucristo, cha'an mi' ñusantel la' mul. Che'i mi caj la' waq'uentel Ch'ujul ba Espiritu ti la' majtan. —Hechos 2.38

2 Corintios 7.10

Come i ch'ijiyemlel lac pusic'al ch'oyol ba ti Dios mi' yaq'ueñonla laj cay lac mul cha'an mi laj col-tantel. Tijicñayonla che' an i ch'ijiyemlel lac pusic'al ch'oyol ba ti Dios, pero i ch'ijiyemlel tilem ba ti pañimil mi' yac' ti chamel.

Ezequiel 18.21

Jini xjontolil mi tsi' caya i mel chuqui tac jontol, mi tsa' caji i wen jac'beñon c t'an yic'ot c subal cha'an mi' mel chuqui tac toj, cuxul mi caj i yajñel jini winic. Ma'anic mi caj i chamel.

Apocalipsis 3.20

Awilan, wa'alon, wolic jats'ben i ti' otot. Mi an majch mi' yubibeñon c t'an mu' ba i jambeñon i ti' otot, mi caj cochel ba'an, mi caj c cha'len we'el yic'ot. Mux caj i cha'len we'el quic'ot ja'el.

Isaias 55.7

La' i cay i mul jini xjontolil. Jini mach ba tojic la i cay i ña'tan jontolil. La' i sutq'uin i ba ti

lac Yum, come mi caj i p'untan. Mi caj i ñusaben i mul ti pejtelel i pusic'al.

Mateo 6.14

Come mi woli la' ñusaben i mul la' pi'alob, la' Tat ti panchan mi' ñusabeñetla la' mul.

Hechos 5.31

Dios tsi' yaq'ue i ñuclel ya' ti' ñoj. Colem yumalach, Xcoltaya-jach. Mi' yaq'ueñob i cay i mul jini israelob cha'an mi' ñusabeñob i mul.

Marcos 2.5

Come Jesús tsi' ña'ta wolix i ñopob winicob, tsi' sube jini mach ba anix i c'ajñibal i yoc i c'ab: Calobil ñusabilix a mul, che'en.

Yom Ch'ujulonla Ti Pañimil

27

Efesios 5.11

Mach mi la' mel lolom jach ba che' bajche' jini año' ba ti ic'ch'ipan ba pañimil. Yom mi la' tsictesabeñob i mul.

Isaias 1.16

¡Pocox la' ba; saq'uesan la' ba! ¡Cayax la' mel jontolil ti' tojel c wut!

Tito 2.11, 12

Come tsa'ix tsictiyi i yutslel i pusic'al Dios ti coltaya ti' tojlel pejtelel winicob x'ixicob. Mi' cantesañonla cha'an mi laj cay pejtelel chuqui mach tojic, yic'ot i colosojlel lac pusic'al yic'ot i cha'an ba pañimil, cha'an mi lac

wen ña'tan chuqui yom, cha'an toj mi la cajñel ti ili ora che' bajche' i cha'año' ba Dios.

1 Juan 2.15, 16

Mach la' c'uxbin i cha'an ba pañimil mi chuqui an ti pañimil. Come jini mu' ba i c'uxbin i cha'an ba pañimil, ma'anic mi' c'uxbin lac Tat. Come pejtelel chuqui an ti pañimil, i colosojlel lac pusic'al yic'ot i ts'i'lel lac wut, yic'ot i chañ'esantel lac ba mach ch'oyolic ti lac Tat pero ch'oyol ti pañimil.

Colosenses 3.2

Chan ña'tanla chuqui an ti chan, mach jinic am ba ti pañimil.

Ezequiel 36.26.

Mi caj caq'ueñetla tsiji' ba la' pusic'al yic'ot tsiji' ba la' ch'uj-lel. Mi caj c loc'san i tsatslel la' pusic'al lajal ba bajche' xaj-lel cha'an mi caq'ueñetla c'un ba la' pusic'al yujil ba c'uxbiya.

1 Juan 2.29

La' wujil tojach Cristo. La' wujil ja'el tsa'ix i yilayob pañimil ti Dios pejtelel mu' ba i cha'leñob chuqui toj.

2 Corintios 5.17

Jini cha'an majqui jach an ti Cristo tsijib melbilix. Tsa'ix jili jini tsucul tac ba. Awilan tsijib melbil ti pejtelel.

1 Juan 5.18

La cujil ma'anic mi' chan cha'len mulil jini tsa' ba i yila pañimil ti Dios. Jini xjontolil mach mejlix i chan taj. Come i Yalobil Dios mi' cantan.

Juan 3.3

Jesús tsi' jac'be Nicodemo: Isujm, isujm mic subeñet, jini mach ba anic mi' cha' ilan pañimil, mach mejlic i q'uel i yumantel Dios, che'en.

1 Pedro 1.23

Come ma'anic tsa' la' cha' ila pañimil ti pac' yujil ba jilel, pero ti pac' mach ba yujilic jilel, jini cuxul ba i t'an Dios mu' ba i yajñel ti pejtelel ora.

Loc'sabilonla Ti Mulil. Tsijibonla Ti Cristo 29

Efesios 2.1, 6

Dios tsi' yaq'ueyetla la' cux-talel che' chameñetla ti la' jontolil yic'ot ti la' mul... Tsi' teche-yonla ch'ojoyel temel la quic'ot Cristo. Tsi' buchhocoyonla ti panchan la quic'ot Cristo Jesús.

Colosenses 3.1

Mi tsa'ix cha' tejchiyetla la' wic'ot Cristo, sajcanla chuqui an ti chan ba' buchul Cristo ti' ñoj Dios.

1 Pedro 2.24

I bajñel jach tsi' cuchu lac mul ti' bac'tal che' ba tsa' chami ti te', cha'an mi' jilel i p'atalel mu-

lil ti lac tojlel. Cuxulonixla cha'an yom mi lac mel chuqui toj. Lajmesabiletla cha'an tsa' lojwi lac Yum.

Galatas 5.24

Pejtelel i cha'año' ba Cristo tsa'ix i ch'ijiyob ti cruz i tsucul pusic'al yic'ot pejtelel i colosojlel yic'ot chuqui mi' mulan.

Romanos 6.2, 11

Jilemix i p'atalel mulil ti lac tojlel. ¿Bajche', che' jini, mi mejlel lac chan cha'len mulil?... Che' ja'el jatetla, ña'tanla jilemix i p'atalel mulil ti la' tojlel, pero cuxuletla cha'an mi la' ñuq'uesan Dios ti Cristo Jesús.

Juan 3.14, 15

Che' bajche' Moisés tsi' joc'cho-co lucum ti te' ti jochol ba lum, che' ja'el mi caj i wersa le-tsantel i Yalobil Winic, cha'an ma'anic mi' sajtel majqui jach mi' ñop. Mi' taj i cuxtalel mach ba anic mi' jilel.

Juan 17.3

Jiñach i cuxtalel mach ba anic mi' jilel, che' mi' cañetob jini mero Dios, jini cojach ba, yic'ot Jesucristo, tsa' ba a choco tilel.

Juan 3.36

Jini mu' ba i ñop i Yalobil Dios, an i cha'an i cuxtalel mach ba anic mi' jilel. Jini mach ba anic mi' ñop i Yalobil Dios mach

mejlic i yaq'uentel i cuxtalel. Mi' yajñel ti' mich'lel Dios.

Romanos 6.23

An i tojol mulil. Jini mu' ba i cha'leñob mulil wersa mi' chamelob, jiñach i tojol. Pero lac majtan ch'oyol ba ti Dios jiñach laj cuxtalel mach ba anic mi' jilel ti lac Yum Cristo Jesús.

Juan 5.24

Isujm, isujm mic'subeñetla: Jini mu' ba i yubin c t'an, mu' ba i ñop jini tsa' ba i chocoyon tilel, anix i cuxtalel mach ba anic mi' jilel. Ma'anic mi' yajq'uel ti tojmulil, come mach chan chamenix. Tsa'ix aq'uenti i cuxtalel.

Isaias 32.17

Che' toj mi' melob winicob ñach'al mi caj i yajñelob. Cha'an ti' caj mi' cha'leñob chuqui toj, tijicñayob mi caj i c'ajob i yo. Ma'anix baq'uen ti pejtelel ora.

Galatas 4.6

I yalobiletla. Dios tsi' choco tilel ti lac pusic'al i yEspíritu i Yalobil mu' ba i yal: Papa, c Tat, che'en.

Romanos 8.16

Jini Espiritu mi' subeñonla i yalobilonla Dios. Che'ach mi' yal lac pusic'al ja'el.

1 Juan 5.12, 13

Jini ochem ba ti' Yalobil Dios, an i cuxtalel. Jini mach ba anic i

cha'an i Yalobil Dios, ma'anic i cuxtalel. Jini cha'an tsac ts'ijbubeyetla ili t'an, jatetla tsa' ba la' ñopbe i c'aba' i Yalobil Dios, cha'an mi la' ña'tan anix la' cuxtalel mach ba anic mi' jilel.

Che' jini, la kujil woli la cajñel ti Dios, la kujil woli' yajñel Dios ti joñonla, come tsa'ix i yalq'ueyonla i yEspíritu. —1 Juan 4.13

Juan 14.21

Jini mu' ba i can c mandar, mu' ba i jac', jiñach mu' ba i c'uxbiñon. Jini mu' ba i c'uxbiñon, mi caj i c'uxbintel cha'an c Tat. Joñon mi caj j c'uxbin ja'el. Mi caj caq'ueñetla la' wen cañon. Che' tsi' yala Jesús.

Juan 17.13

Wale talon ba' añet. Wolic sub jini t'an ti pañimil cha'an mi' ts'actiyel i tijicñayel i pusic'al che' bajche' i tijicñayel c pusic'al.

Romanos 14.17

Come ti' yumantel Dios ma'anic mi coltañonla we'elal yic'ot uch'el. Mi' coltañonla toj ba lac pusic'al yic'ot i ñach'tilel yic'ot i tijicñayel lac pusic'al ch'oyol ba ti Ch'ujul ba Espiritu.

Galatas 2.20

Isujm tsa' ch'ijleyon ti cruz yic'ot Cristo. Mach chan cuxulonix joñon, pero cuxul Cristo tic pusic'al. Wale che' cuxulon tic bac'tal ti pañimil, wolic taj j cu-

xtalel ti' ñopol i Yalobil Dios tsa' ba i c'uxbiyon, tsa' ba i yac'a i ba ti chamel cha'añon.

Jini cha'an tijicña mi caj lac jac' la caj Coltaya cha'an mi lac taj lac wenlel ti' tojlel, che' bajche' mi lac luch ja' ti' loq'uib ja' che' tiquin lac ti'. —Isaias 12.3

Juan 15.11

Jini t'an tsac subeyetla cha'an mi' yajñel ti la' pusic'al i tijicñayel c pusic'al, cha'an mi' ts'actiyel i tijicñayel la' pusic'al.

Salmos 16.11

Jatet mi caj a pasbeñon jini bij ba'an j cuxtilel. Cabal jax c tijicñayel ti a tojlel. Ya'an c wenlel ti ñoj ba a c'ab ti pejtelel ora.

1 Samuel 12.15

Pero mi ma'anic mi la' wubi-ben i t'an lac Yum, mi mux la' ñusaben i t'an, che' jini lac Yum mi caj i yaq'ueñetla wocol che' bajche' tsi' yaq'ueyob la' ñojte'el.

¿Mach ba la' wujilic? Che' mi la' wotsan la' ba ti' ye'tel ti' tojlel yamba winic, i winiquetla che' woli la' jac'ben. Jini mu' ba i jac' mulil mi' chamel. Jini mu' ba i jac' Dios mi' taj toj ba i pusic'al. —Romanos 6.16

Mi caj i yaq'ueñetla la' c'aj la' wo quic'ot lojon che' mi' pastal lac Yum Jesús ti panchan yic'ot jini ángelob am ba i p'atalel. Mi caj i tilel yic'ot c'ajc

cha'an mi' q'uextabeñob i jontolil jini mach ba anic mi' cañob Dios yic'ot jini mach ba anic mi' ch'ujbibeñob i wen t'an lac Yum Jesucristo. Mi caj i tojob i mul ti c'ajc ti pejtelel ora. Ma'anic mi caj i chan q'uelob lac Yum mi i ñuclelic i p'atalel. —2 Ts. 1.7-9

Deuteronomio 11.26-28

Ña'tanla jini cha'chajp tilem ba ti Dios. An bendición yic'ot an i mich'lel Dios. Yajcanla. An la' bendición tilem ba ti Dios mi tsa' la' chan jac'be i t'an lac Yum Dios woli ba c subeñetla wale. Mi caj la' taj wocol cha'an i mich'lel Dios mi tsa' la' ñusabe i t'an lac Yum Dios

34 Yom Mi Lac Sub Che' I Cha'añonla Cristo

Filipense 2.11

Ti pejtelelob mi caj i yalob Yumalach Jesucristo cha'an mi' tsictesañob i ñuclel Dios lac Tat.

Mateo 10.32, 33

Majqui jach mi' suben winicob cha'an tsi' cañayon, joñon ja'el mi caj c sub ya' ti' tojlel c Tat am ba ti panchan cha'an tsa'ix j caña jini winic. Majqui jach mi' suben winicob x'ixicob mach i cañayonic, joñon ja'el mi caj c sub ya' ti' tojlel c Tat am ba ti panchan mach j canayic jini winic.

Romanos 10.9, 10

Mi tsa' subu ti a wej a Yumach Jesús, mi tsa' ñopo ti a pusic'al tsa'ix i teche loq'uel Dios ba'an

chameño' ba, mi caj a coltantel. Come ti lac pusic'al mi lac ñop. Che' jini, mi la caq'uentel toj ba lac pusic'al. Ti la quej mi lac sub che' ñopol lac cha'an. Che' jini, mi laj coltantel.

1 Juan 2.23

Jini mu' ba i yal mach i Yaloblic Dios jini Cristo mach i cha'anic lac Tat. I cha'añach lac Tat jini mu' ba i sub i Yalobilach Dios Jesús.

Majqui jach mi' quisniñon yic'ot c t'an, i Yalobil Winic ja'el mi caj i quisnin jini winic che' mi' tilel ti' ñuclel yic'ot i ñuclel i Tat yic'ot i ñuclel jini ch'ujul ba ángelob.

—Lucas 9.26

1 Pedro 5.8

Ña'tanla pañimil. Chaca q'uele la' ba, come jini xiba, jini la' contra, woli ti pam ñumel che' bajche' colem bajlum woli ba ti jujuj t'an. Woli' chijtán i colojm cha'an mi' c'ux.

Efesios 6.11

Xojola pejtelel la' mactijib mu' ba i yaq'ueñetla Dios cha'an mi la' wajñel ti uts'at ame i lotiñetla xiba.

Cha'an ma' cambeñob i wut, cha'an mi' sutq'uiñob i ba ti ic'yoch'an ba pañimil, cha'an mi' yajñelob ti' saclel pañimil. Mic choquet majlel cha'an mi' lo-

q'uelob ti' p'atlel Satanás, cha'an mi' yochelob ti' p'atlel Dios, cha'an mi' ñusabentelob i mul che' mi' ñopoñob, cha'an i ten cha'añob jach jini mu' ba caj i yaq'uentelob yic'ot jini saq'uesabilo' ba. Che' tsi' subeyon Jesús.
—Hechos 26.18

Mateo 4.1, 10, 11

Jini Espiritu tsi' paya majlel Jesús ti colem ba i tiquiñal lum cha'an mi' yilabentel i pusic'al ti xiba. . . . Jesús tsi' sube: Cucu, Satanás, come ts'ijbubil: Yom ma' ch'ujutesan a Yum Dios. Cojach jini yom ma' yuman, che'en. Jini xiba tsi' caya Jesús. Awilan, tsa' tili ángelob i coltañob Jesús.

Che' jini mi' caj ti tsictiyel jini xjontolil. Lac Yum Jesús mi caj i tsansan ti' yiq'uilel jach i yej. Mi caj i jisan jini winic ti' saclel che' mi' tilel. —2 Tesalonicenses 2.8

Aq'uen la' ba Dios. Pasa la' ba ti' contra xiba. Che' jini mi caj i puts'tañetla. Lac'tesan la' ba ba'an Dios. Che' jini mi caj i lac'tesan i ba ba' añetla. Xmuli-lob, poco la' c'ab. —Santiago 4.7, 8

Romanos 8.35, 37

¿Am ba chuqui mi mejlel i mactaben i c'uxbiya Cristo ti lac tojlel? ¿Mejl ba lac wocol, mi laj c'ojo'ol, mi lac tic'lantel, mi lac wi'ñal, mi che' ma'anic lac pis-lel, mi babq'uen ba, mi espada?

Ma'anic... Ti pejtelel ili wocol mi' wen majlel lac cha'an, cha'an ti' p'atalel Jesús tsa' ba i c'ux-biyonla.

An i bac'tal yic'ot i ch'ichel i yalobilob. Jini cha'an Jesús tsi' taja i bac'tal yic'ot i ch'ich'el ja'el cha'an mi' yac' i ba ti chamel. Che' ba tsa' chami tsi' jisa jini am ba i p'atalel cha'an mi' yac' ti chamel winicob x'ixi-cob, jiñach xiba. —Hebreos 2.14

Jini mu' ba i cha'len mulil i cha'añach xiba, come jini xiba woli' chan cha'len mulil c'alal ti' cajibal. Jini cha'an tsa' tsictiyi i Yalobil Dios cha'an mi' jisaben i ye'tel xiba. —1 Juan 3.8

**Tsiquil I Cha'añonla Dios Che' Mi Laj
C'uxbin Lac BA**

37

1 Corintios 13.1

Muq'uc c cha'len t'an ti' t'an tac winicob yic'ot ti' t'an ánge-lob, mi ma'anic j c'uxbiya, tsintsiñayon bajche' tsucu taq'uin. Lajalon bajche' tsucu taq'uin mu' ba i cujtal.

Juan 13.35

Che' jini, pejtelel winicob mi caj i ña'tañob xcant'añetla c cha'an che' mi la' c'uxbin la' ba, che'en Jesús.

Galatas 5.22, 23

Pero i yac'bal jini Espíritu ji-ñach laj c'uxbiya, i tijicñayel lac pusic'al, i ñach'talel lac pusi-c'al, lac p'atalel ti' cuchol wo-

col, yic'ot p'untaya, coltaya, i xuc'talel lac pusic'al, la cutslel, yic'ot i tic'ol lac pusic'al.

1 Juan 4.20

Che' an mu' ba i yal: Wolij c'uxbin Dios, che'en, mi woli' ts'a'len i yermano, xlotach. Come mi mach c'uxic mi' yubin i yer-mano tsa' ba i q'uele, ¿bajche' mi mejlel i c'uxbin Dios mach ba anic tsi' q'uele?

Anquese chameñonla ti yamba ora, pero la cujil anix laj cuxtalel come woli laj c'uxbin la quer-manojob. Jini mach ba anic mi' c'uxbin i yermano chamen to mi' yajñel. —1 Juan 3.14

Romanos 4.25

Come Jesús tsa' ajq'ui ti chamel cha'an mi' toj lac mul. Tsa' tejchi cha'an mi laj q'uejlel ti toj.

Hechos 10.39-41

Joñon lojon tsaj q'uele lojon pejtelel chuqui tsi' mele Jesús ti Judea yic'ot ti Jerusalén. Jini judfojob tsi' tsansayob. Tsi' ch'ijiyob ti te'. Dios tsi' teche ch'ojoyel ti' yuxp'ejlel q'uin. Tsi' yac'Λ ti q'uejlel. Mach ti' wutic pejtelel winicob x'ixicob, cojach tic wut lojon tsa' ba c cha'le lojon we'el, uch'el yic'ot Jesús che' ch'ojoyemix loq'uel ba'an chameño' ba.

Dios tsi' wa'chocoyon lojon ti testigo cha'an mic laj sub chuqui tsaj q'uele lojon.

Juan 20.26-28

Tsa' ñumi waxacp'ejl q'uin. Cha' ya'ix añob xcant'añob i cha'an ti' mal otot, ya'an Tomás yic'otob. Tsa' ochi Jesús che' ñup'ul i ti' otot. Ya' tsa' wa'le ti yojlilob. Jesús tsi' subeyob: La' ñach'lec la' pusic'al, che'en. Jesús tsi' sube Tomás: Otsan i yal a c'Λb, ilayi. Q'uele j c'Λb. Sats'Λ a c'Λb, otsan ti' yebal c ch'i'lat. Mach yomic tsats a pusic'al. Ñopoyon, che'en. Tomás tsi' jac'be: C Yum, c Dios, che'en.

Ti jim ba ora, Jesús tsa' caji i cantesan xcant'añob i cha'an. Tsi' yala wersa mi' majlel ti Jerusalén i yubin cabal wocol ti' c'ab xño-xob año' ba i ye'tel yic'ot ñuc ba motomajob yic'ot sts'ijbayajob. Wersa mi' caj ti tsansantel. Mi caj i cha' tejchel ch'ojoyel ti yuxp'ejlel q'uin. —Mateo 16.21

Mach yomic mi' toj sajtel la' pusic'al cha'an jini c t'an, come tal i yorajlel che' mi caj i yubibeñob i t'an i Yalobil Winic jini año' ba ti mucoñibal. Jini tsa' ba i cha'leyob chuqui wen mi caj i ch'ojoyelob loq'uel ti mucoñibal cha'an mi' yochelob ti' cuxtalel. Jini tsa' ba i cha'leyob jontolil mi

caj i ch'ojoyelob loq'uel ti mucoñibal cha'an mi' yochelob ti tojmulil. —Juan 5.28, 29

¿Mach ba la' wujilic? Pejtelonla tsa' ba ochiyonla ti Cristo Jesús che' bajche' ti ch'amja', tsa' chamiyonla yic'ot. Che' bajche' ti ch'amja' tsa' tem mujquiyonla yic'ot Cristo che' ba tsa' chami. Jini cha'an tsa' tejchi loq'uel Cristo ba'an chameño' ba cha'an ti' ñuclel lac Tat, cha'an mi lac cha'len xambal ti tsiji' ba laj cuxtalel. Come mi temel tsa' chamiyonla yic'ot Cristo che' bajche' tsa' chami, che' ja'el temel mi lac tejchel ch'ojoyel che' bajche' tsa' tejchi ch'ojoyel. —Romanos 6.3-5

2 Corintios 7.1

C'uxbibilo' ba hermanojob, lac cha'añach jini albil ba i t'an Dios. Jini cha'an la' lac poc loq'uel pejtelel bibi' tac ba am ba ti lac bac'tal yic'ot lac pusic'al. La' lac bac'ñan Dios cha'an ch'ujul mi la cajñel ti' tojlel.

2 Timoteo 2.21

Mi an majqui mi' cay chuqui tac mach wenic, mi' saq'uesan i ba. Che' jini an i c'uxbintel, ch'ujul, cabal i c'ajñibal ti lac Yum. Chajpabil i pusic'al cha'an mi' mel pejtelel chuqui wen.

Yajcabletla che' bajche' tsi' wan ña'ta Dios lac Tat. Jini Espiritu woli' saq'uesañetla

cha'an mi la' jac'ben Jesucristo, yic'ot ja'el cha'an mi la' mujlel ti' ch'ich'el Jesucristo. La' p'ojlesantic i yutslel yic'ot i ñach'talel la' pusic'al. —1 Pedro 1.2

1 Pedro 1.15

Ch'ujul jini tsa' ba i payayetla, jini cha'an yom ch'ujuletla ja'el ti pejtelel la' melbal.

Lucas 1.74, 75

Mi caj i yaq'ueñonla lac cha'liben i ye'tel che' coltabilonixla loq'uel ti' c'ab laj contrajob. Che' jini ma'anic baq'uen mi caj lac cha'liben i ye'tel. Che' jini ch'ujulonla, tojonla ti' wut Dios mi mejlel lac melben i ye'tel ti pejtelel q'uin che' cuxulon to la.

Isaias 35.8

Ya'i mi caj i ñumel colem bij. Jini bij mi caj i yotsabentel i c'aba' Ch'ujul ba bij. Come ma'anic mi caj i xañob jini año' ba i mul. Lac Yum mi caj i cha'len xambal a wic'ot ti jini bij. Ma'anic mi caj i chan sajtel jini mu' ba i cha'len xambal ya'i anque-se ma'anic i ña'tabal.

Chan cha'lenla wersa cha'an mi la' wajñel ti ñach'al yic'ot pejtelel winicob x'ixicob. Ñopola ajñel ti ch'ujul, come jini mach ba ch'ujulic ma'anic mi caj i q'uel lac Yum.

—Hebreos 12.14

1 Juan 1.9

Mi woli lac suben lac mul Dios

mu' ba i melonla ti toj, an i xuc'talel i pusic'al che' mi' ñu-sabeñonla lac mul. Mi' pocbeñon-la loq'uel pejtelel lac jontolil.

Mateo 3.11

Joñon mi caq'ueñetla ch'amja' cha'an mi la' cay la' mul. Tal to tic pat ñumen p'atal ba. Joñon mach yoque ñuconic cha'an mic yeben majlel i xañab. Jiñach mu' ba caj i yaq'ueñetla la' ch'am Ch'ujul ba Espiritu yic'ot c'ajc.

Efesios 1.4

Come tsi' yajcayonla ti Cristo che' maxto melbilic pañimil cha'an mi la cajñel ti ch'ujul ti' tojlel, saq'uesabilonixla ti pe-jtelel lac mul.

Lucas 11.13

Jatetla jontolet ba la, la' wujil la' waq'uen la' walobil chuqui uts'at. La' Tat am ba ti panchan, ¿mach ba ñumen yujilic i yaq'ueñob jini Ch'ujul ba Espí-ritu jini mu' ba i c'ajtibeñob? Che' tsi' yala Jesús.

Hechos 1.8

Pero mi caj la' waq'uentel la' p'atalel che' mi' yochel jini Ch'ujul ba Espíritu ti la' pusic'al.

Romanos 8.9

Jatetla mach chan añetixla ti' p'atalel la' tsucul pusic'al. Añetla ti' wenta Espíritu mi woli' yajñel i yEspíritu Dios ti la' pusic'al.

Jini mach ba anic i cha'an i yEspí-ritu Cristo, mach i cha'anic Dios.

Ezequiel 36.27

Mi caj cotsan ti la' tojlel jini quEspíritu cha'an mi la' jac' c subal yic'ot c t'an.

Hechos 13.52

Jini xcant'añob wen tijicñayob i pusic'al. But'ulob ti Ch'ujul ba Espíritu.

Hechos 4.31

Che' ba tsa' ujtí i pejcañob Dios, tsa' ñijcanti jini otot ba' tsi' tempayob i ba. Ti pejtelelob but'ulob ti Ch'ujul ba Espíritu. Tsi' subuyob i t'an Dios ti' ch'ej-
lel i pusic'al.

Salmos 34.18

Lac'al an lac Yum ba'an ch'iji-yemo' ba i pusic'al. Mi' coltan jini woli ba i melob i pusic'al.

Isaias 66.2

Pejtelel iliyi joñon tsac mele yic'ot j c'ab. Tsa' jach caji ti ajñel cha'an jach com, che'en lac Yum. Majqui jach uts i pusic'al mi caj j q'uel ti uts'at. Che' ju'sabilix i pusic'al mi' bac'ñañon, mi' jac'beñon c t'an.

Apocalipsis 21.4

Dios mi caj i sujcubeñob i ya'lel i wut. Ma'anix majch mi' caj ti chamel. Ma'anix uc'taya mi

uq'uel mi wocol ti pejtelel ora. Come tsa'ix ñumi jini ñaxan tac ba, che'en.

Salmos 37.3

Ñopo lac Yum, mele chuqui uts'at. Che' jini xuc'ul mi caj a chumtal ti jini lum.

1 Pedro 4.12, 13

C'uxbibilet ba la, mach yomic mi' toj sajtel la' pusic'al che' mi' tilel i yilabentel la' pusic'al che' bajche' c'ajc. Mach yomic leco mi la' q'uel. Tijicñesan la' pusic'al come woli la' taj wocol che' bajche' Cristo, cha'an c'ax tijicña mi la' wubin che' mi' tsic-tiyel i ñuclel Cristo.

Hebreos 2.18

Tsi' yubi wocol che' ba tsa' pajyi ti mulil. Jini cha'an mi mejlel i coltan jini woli ba i pajyelob ti mulil.

Salmos 34.19

Mi' taj cabal wocol jini toj ba. Lac Yum mi' yac' ti colel ti pejtelel i wocol.

1 Corintios 10.13

Ma'anic mi junchajpic la' payol ti mulil mach ba anic tsi' yubiyob yaño' ba. Xuc'ul i pusic'al Dios. Ma'anic mi' yaq'ueñetla la' taj la' payol ti mulil mach ba mejlic la' cuch. Che' mi la' pajyel ti mulil, Dios mi' yaq'ueñetla la' p'atalel

cha'an mi la' cuch. Che' jini mi mejlel la' loq'uel ba' paybilet ti mulil.

Isaias 43.2

Che' ma' ñumel ya' ti ja', che' cabal a wocol, ya' añaon quic'otet. Che' ma' ñumel ya' ba' tam ja', che' cabal a tic'lantel, ma'anic mi caj a sujp'el ochel. Che' ma' c'axel ti c'ajc, ma'anic chuqui mi caj i tumbeñet. Ma'anic mi caj i pulet c'ajc.

Romanos 8.28

La cujil mi' c'an Dios pejtelel chuqui tac mi' yujtel cha'an i wenlel jini mu' ba i c'uxbiñob Dios, jini paybilo' ba i cha'an che' bajche' tsi' wan ña'ta.

Jini mu' ba i majlel i cha'an mi caj i yaq'uentel i lap sasac ba i pislel. Ma'anic mi caj c yapben i c'aba' ti jun ba' otsabilob i c'aba' año' ba i cuxtalel. Mi caj c sub ti' tojel c Tat yic'ot ti' tojel i yángelob. —Apocalipsis 3.5

Jini mu' ba i majlel i cha'an mi caj c suben buchtal quic'ot tic yumantel, che' bajche' tsa' buchleyon quic'ot c Tat ti' yumantel che' ba tsa' maji c cha'an. —Apocalipsis 3.21

Jini mu' ba i majlel i cha'an mi caj caq'uen i yajñel bajche' oy ti' templo c Dios. Ma'anix mi caj i chan loq'uel ya'i. Mi caj c ts'ijbuben i c'aba' c Dios ti jini

winic yic'ot tsiji' ba j c'aba' yic'ot i c'aba' i tejclum c Dios, jini tsiji' ba Jerusalén mu' ba i loq'uel tilel ti panchan ch'oyol ba tic Dios. —Apocalipsis 3.12

Apocalipsis 21.7

Jini mu' ba i majlel i cha'an mi caj i ch'am pejtelel chuqui tac an. Joñon i Dioson. Jini mi caj i yochel ti calobil.

Jini am ba i chiquin la' i yubiben i t'an i yEspíritu Dios mu' ba i suben xñopt'añoob mu' ba i tempañob i ba. Jini mu' ba i majlel i cha'an mi caj caq'uen i c'uxben i wut jini te' i yejtal ba laj cuxtalel am ba ti' yojlil i paraiso Dios. —Apocalipsis 2.7

1 Corintios 7.10, 11

Mic subeñob jini ñujpuñemo' ba, pero mach e mandaric wolic sub. I mandarach lac Yum: Jini x'ixic mach i lon cay i ñoxi'al. Mi tsi' caya i ñoxi'al x'ixic la' ajnic ti' bajñelil. Mi mach yomic ajñel ti' bajñelil, la' i mel i ba ti uts'at yic'ot i ñoxi'al. Che ja'el winic, mach i choc loq'uel i yijñam.

Romanos 7.2, 3

Come jini x'ixic am ba i ñoxi'al an ti' wenta cha'an mi' jac' jini mandar mu' ba i yal wersa mi' yajñel yic'ot i ñoxi'al che' cuxal to. Mi tsa' chami i ñoxi'al, librejix.

Ma'anix mi' chan jac' chuqui mi' yal jini mandar cha'an i ñoxi'al. Jini cha'an mi' tsi' pi'le yamba winic che' cuxul to i ñoxi'al, i ts'i'lelach, pero mi tsa'ix chami i ñoxi'al, librejix. Ma'anix mi' jac' jini mandar. Che' jini, mach i ts'i'lelic jini x'ixic mi' tsa' cha' ñujpuñi yic'ot yamba winic.

Mateo 5.32

Pero joñon mic subeñetla majqui jach mi' to'o cay i yijñam che' ma'anic tsi' cha'le ts'i'lel yic'ot yamba winic, woli' bajñel ac' i yijñam ti' ts'i'lel. Che' ja'el, majqui mi' pay caybil ba x'ixic cha'an i yijñam woli' cha'len ts'i'lel yic'ot.

Awilan, talon ti ora. Lotola ti la' pusic'al jini tsa' ba aq'uentiyetla ame anic majqui mi' chilbeñetla la' corona.—Apocalipsis 3.11

Marcos 8.38

Majqui jach mi' cha'len quisin cha'añon yic'ot cha'an c t'an ti' tojlel winicob x'ixicob año' ba i ts'i'lel yic'ot i jontolil, i Yalobil Winic ja'el mi caj i cha'len quisin cha'an jini winic che' mi' tilel ti' ñuclel i Tat yic'ot jini ch'ujul ba ángelob. Che' tsi' yala Jesús.

Ti jim ba ora i Yalobil Winic mi caj i pas i yejtal i p'atalel ti panchan. Mi' cajelob ti cabal uq'uel pejtelel winicob x'ixicob ti pañimil. Mi caj i q'uelob i Ya-

lobil Winic che' mi' tilel ti tocal ti panchan ti' p'atalel yic'ot ti' ñuclel. —Mateo 24.30

Mi tsa'ix majli c chajpan la' wajñib, cha' talon c payetla majlel ba' añoñ, cha'an ya' ba' añoñ, ya' añetla ja'el. —Juan 14.3

Che'ach yom mi la' cha'len pijt ti' ñach'talel la' pusic'al. Xuc'chocon la' pusic'al come lac'alix jini q'uin che' mi' tilel lac Yum. —Santiago 5.8

Mateo 24.27

Come che' lajal bajche' mi' tsictiyel i c'ac'al chajc ti' pasibal q'uin c'alal ti' bajlibal q'uin, che' ja'el mi' caj ti tsictiyel i Yalobil Winic che' mi' tilel.

1 Juan 3.2

C'uxbibilo' bΛ, i yalobilonixla Dios. Maxto tsictiyemic bajche' mi caj la kujtel. Pero la kujil che' mi' tsictiyel Cristo mi caj la caj-ñel lajal bajche' Cristo, come mi caj laj q'uel che' bajche' an.

Awilan, talon che' bajche' xujch'. Tijicña jini woli bΛ i q'uel, woli bΛ i cantan i pislel ame pits'ilic mi' cha'len xambal, ame quisintiquic mi' yubin che' pits'il, che'en. —Apocalipsis 16.15

Hechos 1.11

Tsi' subeyob: Winicob, ch'oyolet bΛ la ti Galilea, ¿chucoch woli la' chan q'uel panchan? Jini Jesús, tsa' bΛ pajyi letsel ti pan-

chan loq'uem bΛ ti la' tojlel, mi caj i cha' tilel che' bajche' tsa' la' q'uele che' bΛ tsa' majli ti panchan, che'ob.

Lucas 12.40

Yom chajpabiletla ja'el, come tal i Yalobil Winic ti' yorajlel che' mach yaxalic la' wo.

Mateo 16.27

Come mi caj i tilel i Yalobil Winic ti' ñuclel i Tat yic'ot i yánelob. Mi caj i yaq'ueñob i tojol winicob x'ixicob ti jujuntiquil cha'an chuqui tac tsi' meleyob.

Ti jim bΛ ora mi caj i q'uelob i Yalobil Winic che' mi' tilel ti tocal yic'ot i p'atlel yic'ot cabal i ñuclel. —Lucas 21.27

Xuc'ul I T'an Dios

Lucas 21.33

Mi' caj ti jilel panchan yic'ot pañimil. Pero mach jilic c t'an.

Mateo 22.29

Jesús tsi' subeyob: Cabal la' sajtemal come mach cañalic la' cha'an i Ts'ijbujel Dios mi i p'atalel Dios.

2 Pedro 1.21

Come c'alal ti' cajibal ma'anic tsi' bajñel cha'leyob t'an winicob ti' bajñel pusic'al, pero jini ch'ujul ba winicob ñijcabilo' ba i cha'an Ch'ujul ba Espíritu tsi' cha' subuyob chuqui tsi' yubiyob ti Dios.

2 Timoteo 3.16

Ch'oyol ti Dios pejtelel i Ts'ijbujel. An i c'ajñibal ti cantesa cha'an lac tic'ol, yic'ot cha'an lac toj'esantel, cha'an mi lac mel chuqui toj.

Salmos 119.11

Tsa'ix cotsa a t'an tic pusic'al cha'an ma'anic mic cha'len mulil ti a contra.

Salmos 119.105

Jini a t'an lajalach bajche' lámpara cha'an coc. I saclelach c bijlel.

Salmos 119.89

Ti pejtelel ora tsats xuc'ul a t'an ti panchan.

El texto Bíblico impreso se ha usado con permiso de la Sociedad Bíblica de Mexico, A. C.

Mexico

CTU

207 Chol

5